捣藻堂四庫全書

音薈

要

史部

欽定四庫全書 曾要 史部

詳校官員外郎服楊世綸

一致定四庫全書舊要悉八千七百二十九 史部 孫思引裕參軍事劉松擊孫恩事 僅識文字以賣履為業好摴蒱為鄉問所賤劉牢之擊 敬未春走往救之斷懷敬乳而乳之及長勇健有大志 通鑑紀事本末卷十九上 家貧将棄之同郡劉懷敬之母裕之從母也生懷 命隆安三年 劉裕篡晉 初彭城劉裕生而母死父親僑居 撰

行虎步視瞻不凡恐終不為人下不如早除之方曰我 并八州諸軍事徐州刺史 玄至尋陽通帝西上劉毅 方平蕩中原非裕莫可用者候關河平定然後別議耳 風骨不常盖人傑也玄后劉氏有智鑒謂玄曰劉裕龍 元與三年桓玄之亂劉裕入朝玄謂其司徒王盜曰裕 玄於是相與合謀起兵 裕入建康王諡推裕為使持節都督楊徐究豫青冀鄉 劉裕與何無忌密謀與復劉邁弟殺亦與無忌謀討 劉裕克京口玄懼浮江南走

夏四月劉裕旋鎮京口改授都督荆司等十六州諸軍 義熙元年春正月劉毅等擊破桓振軍迎帝於江陵何 敦勒帝幸其第裕復請關陳請乃聽歸藩並見為 将軍都督中外諸軍事裕固讓不受屢請歸藩詔百僚 無忌奉帝東還 三月帝至建康以劉裕為侍中車騎 襲陷江陵 大潰挟帝西走馮遷擊斬之乘與返正於江陵 桓振

大三日東台馬·

通鑑紀事本末

等追之女挟帝至江陵殺等自尋陽西至與玄遇玄衆

政外修封疆吾何惜数郡不以成其美乎遂割南鄉順 陽新野舞陰等十二郡歸於晉 善一也劉裕拔起細微能討誅桓玄與復晉室內釐庶 事加領究州刺史 四年春正月劉毅等不欲劉裕入輔政議以中領軍謝混 鄉等諸郡秦王與許之羣臣咸以為不可與曰天下之 為揚州刺史或欲令裕於丹徒領揚州以內事付孟祖遣 二年冬十月尚書論建義功奏封劉裕豫章郡公 一六月劉裕遣使求和於秦且求南 體心服宿定臣主之分也力敵勢均終相吞噬揚州根 衣共立大義以取富貴事有前後故一時相推非為委 勢宣得居謙遂為守藩之将耶劉孟諸公與公俱起布 朝失政日久天命已移公與復皇祚熟髙位重今日形 言不可從裕既見沈且令出外呼穆之問之穆之曰晉 劉穆之具道朝議楊之偽起如風密疏白裕曰皮沈之 尚書右及皮沈以二議語裕沈先見裕記室錄事參軍

本所係不可假人前者以授王諡事出權道今若復以

通鑑紀事本末

揚州刺史錄尚書事徐究二州刺史如故裕表解究州 朝共盡同異公至京邑彼必不敢越公更授餘人明矣 以諸葛長民為青州刺史鎮丹徒劉道憐為并州刺史 裕從之朝廷乃徵裕為侍中車騎将軍開府儀同三司 應云神州治本宰輔崇要此事既大非可懸論便整入 **佗授便應受制於人一失權柄無由可得将来之危難** 可熟念今朝議如此宜相酬答必云在我措辭又難唯 50日月日1

参軍 固解 明旦謂參佐曰吾聞将門有将鎮惡信然即以為中軍 六年六月以劉裕為太尉中書監加黃鉞裕受黃鉞餘 喜論軍國大事或為鎮惡於劉裕裕與語說之因留宿 王猛之孫鎮惡来犇以為臨澧令鎮惡有謀略善果斷 五年春二月劉裕伐南燕 司馬國璠及弟叔璠叔道奔秦秦王與回劉 秋 九月加劉裕太尉裕固辭

方誅桓玄輔晉室卿何為来對曰裕削弱王室臣宗族

通鑑紀事本末

定四車全片

有自脩立裕朝除之方為國患甚於桓玄耳 七年春正月已未劉裕還建康 八年夏四月以後将軍豫州刺史劉毅為衛将軍都督 三月劉裕始受太

荆寧秦雍四州諸軍事荆州刺史殺謂左衛将軍劉欽

性剛愎自謂建義之功與裕相将深自於伐雖權事推

宣懼以告太尉裕裕笑回但令老兄平安必無過慮殺

宣曰吾黍西任欲屈鄉為長史南蠻豈有見輔意乎

蜜校尉後軍司馬毛修之為南郡太守裕亦許之以劉 朝士有清皇者多歸之與尚書僕射謝混丹陽尹都 穆之代僧施為丹陽尹毅表求至京口辭墓裕往愈之 施深相憑結僧施超之從子也毅既據上流陰有圖裕 毅 之志求兼督交廣二州裕許之殺又奏以都僧施為南 吸驗縱 而心不服及居方岳常快快不得志裕每系而順之 知物情去已彌復情激裕素不學而毅頗涉文雅故 滋甚當云恨不遇劉項與之爭中原及敗於桑

通鑑紀事本表

易守宰輒割豫州文武江州兵力萬餘人以自隨會殺 過未彰不可自相圖也 自 為公下不如因會取之裕曰吾與殺俱有克復之功其 心取戰心克殺固以此服公至於涉獵傳記一談一該 公下乎裕然然久之曰卿謂何如藩曰連百萬之衆攻 於倪塘寧遠将軍胡藩言於裕曰公謂劉衛軍終能為 疾篤都僧施等恐毅死其黨危乃勸毅請徒梁兖州剌 た 度在書 許以為雄豪以是縉紳白面之士輻凑歸之恐終不 秋九月劉毅至江陵多變

惡請給百舸為前驅丙申至姑孰以鎮惡為振武将軍 吏配給資力以防之壬午裕帥諸軍發建康然軍王鎮 留府事裕疑長民難獨任乃加劉穆之建武将軍置佐 究青二州刺史鎮京口使豫州刺史諸葛長民監太尉 泰寧益六州諸軍事荆州刺史北徐州刺史劉道憐為 庚辰詔大赦以前會稽內史司馬休之為都督荆雍梁 記書罪状殺云與藩及謝混其謀不軌收藩及混賜死

東ショ東をちて

直鑑犯事本末

史藩以自副太尉裕偽許之藩自廣陵入朝已卯裕以

成及民間皆晏然不疑未至城五六里逢毅要将朱顯 将至城便鼓嚴令若後有大軍状又分遣人燒江津 繼鎮惡徑前襲城語前軍士有問者但云劉兖州至津 兼行揚聲言劉兖州至冬十月已未鎮惡至豫章口去 之不可者燒其船艦留屯水際以待我於是鎮惡晝夜 江陵城二十里捨船步上蒯恩軍居前鎮惡次之舸留 一人對舸岸上立六七旗旗下置鼓語所留人計我

與龍驤将軍削恩将百舸前發裕戒之曰若賊可擊擊

城內兵關且攻其金城自食時至中晡城內人敗散 人吏也逃将安之馳還入府紀安兄據之孫也鎮惡與 嚴之聲甚盛知非藩上便躍馬馳去告毅行令閉諸城 謝 門鎮惡亦馳進門未及下闊軍人因得入城衛軍長史 不見藩而見軍人擔鼓排戰具望江津船艦已被燒鼓 之欲出江津問劉兖州何在軍士曰在後顯之至軍 純入參承殺出聞兵至左右欲引車歸純叱之曰我

勇将趙蔡毅左右兵猶附東西問拒戰鎮惡應問中自 之敗也走投牛牧寺僧昌昌保藏之毅殺昌至是寺僧 但隨僕去純不從為人所殺殺夜投牛牧佛寺初桓蔚 相傷犯乃引軍出國金城開其南面殺慮南有伏兵夜 關且語知裕自来人情離駭遠夜聽事前兵皆散斬殺 信裕自来軍士從殺自東来者與臺軍多中表親戚且 皆燒不視與司馬毛脩之等督士卒力戰城內人猶未 帥左右三百許人開北門突出毛脩之謂謝純曰君

敬畏未至宅數百步悉屏儀衛與白衣數人俱進及殺 位 潘 告乃斬首於市并子姪皆伏誅殺兄模犇寒陽魯宗之 死太尉裕奏徵鎮之為散騎常侍光禄大夫固解不至 人殺歎曰為法自弊一至於此遂縊而死明日居人 亦不同爾受罪累每見殺藩導從到門輒詬之殺甚 日汝輩才器足以得志但恐不久耳我不就爾求財 送之初毅季父鎮之間居京口不應辟召常謂毅 及

通监电影本夫

之曰昔亡師容桓蔚為劉衛軍所殺今實不敢容異

永 爵漢壽子裕問毅府諮議参軍申永曰今日何 之雖為劉毅僚佐素自結於松故裕特宥之賜王鎮 諸葛長民縣縱貪侈 裕納之下書寬租省調節役原刑禮辟名士荆人說 口除其宿蒙倍其惠澤貫叙門次顯 冬十一月巳卯太尉 韓信禍其至矣乃屏人問劉穆之曰悠悠之言皆 按之及劉毅被誅長民謂所 所為多不法為百姓患常懼 裕至江陵殺都 親曰昔年醢彭越今 雅才能如 僧施 初 施 此 而 毛 脩 而

欽

定

E9

全書

恋自取夷滅異端将盡世路方夷富貴之事相與共之 一般宣報曰下官自義熙以来恭三州七都常懼福過災 歎曰貧賤常思富貴富貴必履危機今日欲為丹徒布 葛氏之懼也宜因裕未還而圖之長民猶豫未發既而 衣豈可得犯因遺其州刺史劉敬宣書日盤龍狼戾專 安長民弟輔國大将軍黎民說長民回劉氏之亡亦諸 云太尉與我不平何以至此穆之曰公沂流遠征以老 稚子委節下若一毫不盡豈容如此邪長民意乃小

曰長民知我家公垂眄今輕身單下必當以為無虞乃 裕求先下裕曰諸葛長民似有自疑心卿詎宜便去誕 曰阿壽故為不負我也 裕在江陵輔國将軍王誕白 生思避盈居損富貴之旨非所敢當且使以書呈裕裕 下前刻至日每淹留不進諸葛長民與公鄉頻日奉候 九年春二月太尉裕自江陵東還縣驛遣輜重兼行而 可以少安其意耳裕笑曰卿勇過賁育矣乃聽先還 飲定四庫全書 冬十二月加太尉裕太傅揚州牧

牧固解 固讓太傅州牧 從弟寧朔将軍秀之 黎民素號勇格關而死并殺其李弟大司馬祭軍幼民 **丙寅朔旦長民聞之驚趙至門裕伏壮士丁 昨於幔中** 丁昨自慢後出於座拉殺之與尸付廷尉收其弟黎民 引長民却人間語凡平生所不盡者皆及之長民甚怕 於新亭軸差其期乙五晦裕輕舟徑進潛入東府三月 秋九月再命太尉裕為太傅揚州 三月戊寅加裕豫州刺史裕 通鑑 紀事本不

十一年春正月太尉裕收司馬休之次子文實兄子文 史孟懷玉兼督豫州六郡以備之 休之但表廢文思拜與裕書陳謝裕由是不悦江州刺 所任不許裕執文思送休之令自訓厲意欲休之殺之 擅捶殺國吏記謀其黨而宥文思休之上疏謝罪請解 建康性凶暴好通輕侠太尉裕惡之三月有司奏文思 祖並賜死發兵擊之詔加裕黃鉞領荆州刺史庚午大 十年司馬休之在江陵頗得江漢民心子熊王文思在

12 1 1

丙史劉鍾領石頭戍事屯治亭休之府司馬張裕南平 事劉穆之兼右僕射事無大小皆決於穆之又以萬陽 休之府錄事參軍南陽韓延之延之復書曰承親帥戎 魯宗之自疑不為太尉裕所容與其子竟陵太守軌起 太守檀範之聞之皆逃歸建康裕邵之兄也雅州刺史 兵應休之二月休之上表罪状裕勒兵拒之裕密書招 辛已太尉裕發建康以中軍将軍劉道憐監留府

馬遠履西畿闔境士庶莫不惶駭辱疏知以熊王前事

通鑑紀事本末

劉藩死於問闔之門諸葛斃於左右之手甘言記方伯 伐人之君昭人以利真可謂處懷期物自有由来者乎 此心而復欲欺狂國士来示云處懷期物自有由来令 欲加之罪其無辭乎劉裕足下海內之人誰不見足下 所不盡者命耳推寄相與正當如此而遽與兵甲所謂 劫猶自未遜位况以大遇而當點然邪前以表奏廢之 良增數息司馬平西體國忠貞款懷待物以公有匡復 之熱家國紫賴推德委誠每事詢仰熊王往以微事見 卷十九十

名翹字顯宗乃更其字曰顯宗名其子曰翅以示不臣 令天長喪亂九流渾濁當與減洪遊於地下不復多言 命之臣乎必未能自投虎口比迹都僧施之徒明矣假 以是為得算良可恥也貴府将佐及朝廷賢德寄命思 松視書歎息以示将佐日事人當如此矣延之以裕父 日吾誠都劣皆聞道於君子以平西之至德寧可無 太尉裕使祭軍檀道濟朱超石将步騎出襄陽

襲之以輕兵遂使席上靡敖懷之士聞外無自信之侯

能免乃退湖子林子之兄也裕軍於馬頭開達之死怒 子為前鋒出江夏口達之等與魯軌戰于破家兵敗達 其壻根威将軍東海徐達之統參軍蒯思王允之沈淵 聚糧以待道濟等積日不至魯軌襲擊度之殺之裕使 超石齡石之弟也江夏太守劉凌之将兵屯三連立橋 之九之淵子皆死獨蒯恩勒兵不動軌乘勝力攻之不

萬臨峭岸置陳軍士無能登者裕自被甲級登諸将諫

甚三月壬午的諸将濟江魯軌司馬文思将休之兵四

太尉察軍沈林子攻之造武陵内史王鎮惡以舟師追 足指騰之而上隨之者稍多既登岸直前力戰休之兵 斬之藩顧曰正欲擊賊不得奉教乃以刀頭穿岸少容 休之宗之俱北走軌留石城裕命閣中侯下邳趙倫之 不能當稍引却裕兵因而來之休之兵大潰遂克江陵 通點紀事本未

遊兵在江津俗呼藩使登藩有疑色松命左右錄来欲

我斬卿晦曰天下可無晦不可無公建武将軍胡藩

不從怒愈甚太尉主簿謝晦前抱持裕裕抽劍指晦日

納甲午休之宗之軌及熊王文思新蔡王道賜梁州刺 夏五月趙倫之沈林子破魯軌於石城司馬休之魯宗 宣備身刀殺殺宣文武佐吏即時討道賜等皆斬之 之救之不及遂與軌舞襄陽宗之參軍李應之閉門 欲宣名道亦屏人語左右悉出户猛子逡巡在後取敬 休之等 青葉二州刺史劉欲宣祭軍司馬道賜宗室

之疏屬也開太尉裕攻司馬休之道賜與同府辟問道

秀左右小将王猛子謀殺敬宣據廣尚以應休之乙卯

魏長孫萬至河東聞休之等敗皆引還休之至長安秦 回据符識之文司馬氏當復得河洛今使休之擅兵於 史馬致南陽太守魯範俱森泰宗之素得士民心爭為 王與以為楊州刺史使侵擾襄陽侍御史唐盛言於與 於秦魏泰征廣将軍姚成王及司馬國瑞引兵至南陽 之衛送出境王鎮惡等追之盡境而選初休之等求故 猶縱魚於滿也不如以高野厚禮留之京師與曰昔

又王卒免美里髙祖不斃鴻門岛天命所在誰能違之

三二 远端四里木木

月甲子太尉裕還建康固解太傅州牧其餘受命 太傳揚州牧劔履上殿入朝不超賢拜不名 如符識之言留之適足為害遂遭之 軍将軍監太尉留府事劉穆之為左僕射領監軍中 一年 上州 春正月加太尉裕兖州刺史都督南秦州儿都 刺 領司豫二州 史 三月加太尉裕中外大都督裕戒嚴 秋八月太尉裕以世子義符 刺 史 夏五月癸巳加太

記加大尉

十三年春正月太尉裕引水軍發彭城 軍二府軍司人居東府總攝內外 九錫時劉穆之掌留任而古從北来穆之由是愧懼發 征西将軍司豫此徐雍四州刺史如故裕解不受 揆揚州牧封十郡為宋公備九錫之禮位在諸侯上領 裕将水軍自淮四入清河將泝河西上先遣使假道 冬十一月太尉裕遣左長史王弘還建康諷朝廷求 弘珣之子也 十二月壬申詔以裕為相國抱 丁己祭建康 三月太尉 百

通編地事本本

韓延之等皆降於魏司馬休之尋卒魏賜國璠爵淮南 金玉網帛領賜将士送姚弘至建康斬之事 公爵為王增封十郡解不受 公道賜爵池陽子魯軌爵襄陽公 魏人以數千騎隨裕軍西行裕遣兵擊之魏軍犇潰 癸酉司馬休之司馬文思司馬國璠司馬道賜魯軌 弘將妻子羣臣詣鎮惡降九月裕至長安以 秋八月太尉裕至潼關王鎮惡大破泰兵於渭橋 十一月辛未移之卒 冬十月韶進宋

蕭氏為太妃以太尉軍咨祭酒孔靖為宋國尚書令左 俗始受相國九錫之命放國中殊死以下崇繼母蘭陵 長安 太尉裕以根本無託決意東還 十四年春正月太尉裕至彭城解嚴 十二月太尉裕發 夏六月太尉

謝晦為右衛将軍右長史鄭鮮之為奉常行來軍殷景

仁為秘書郎其餘百官悉依天朝之制靖解不受亮成 **通鑑犯事本末**

長史王弘為僕射領選從事中即傅亮蔡廓皆為侍中

冬十二月彗星出天津入太微經北斗絡紫微八十餘 仁學不為文敬有思致口不談義深達理體至於國典 朝儀舊章記注莫不撰錄識者知其有當世之志 之孫廓謨之曾孫鮮之渾之玄孫景仁融之曾孫也景 定四庫全書

鉈

各之應果在何國朕甚畏之鄉軍盡言勿有所隱衆推 崔浩使對治曰夫災異之與皆泉人事人的無際又何 而減魏主嗣復召皆儒術士問之曰今四海分裂災

畏馬昔王於将篡漢彗星出入正與今同國家主尊臣

篡之應乎無以易其言 宋公裕以識云昌明之後尚 恭命元熙元年春正月甲午徵宋公裕入朝進爵為王 奉德文即皇帝位大赦 部之何之經時不得間會德文有疾出居於外戊寅部 立眼邪王德文德文常在帝左右飲食寂處未當暫離 甲民無典望晉室陵夷危亡不遠彗之為異其劉裕将 之以散衣縊帝於東堂韶之俱之曾孫也裕因稱遊詔 有二帝乃使中書侍郎王韶之與帝左右密謀既帝而 通繼紀事本木

楚之亡匿竟陵蠻中及從祖休之自江陵群秦楚之亡 出七首於席下以扶告之曰将軍深為劉裕所思願勿 甚厚謙欲發未得間乃夜稱疾知楚之必往問疾因欲 裕解 刺之桂之果自齊湯藥往視之情意勤為謙不忍發乃 有衆萬餘屯據長社裕使刺客沐謙往刺之楚之待謙 裕誅翦宗室之有才望者楚之叔父宣期兄貞之皆死 之汝賴間聚衆以謀復讎楚之少有英氣能折節下士 鉈 定四庫全書 初司馬姓之奉其父祭期之喪歸建康會宋公

有司馬道恭自東垣帥三千人屯城西司馬順明帥五 殊禮進王太妃為太后世子為太子 月宋王裕自解揚州牧 書劉懷慎為督淮北諸軍事徐州刺史鎮彭城 十人屯陵雲臺司馬楚之屯柏谷塢皆降於魏 七月宋公裕始受進爵之命八月移鎮壽陽以度支尚 通鑑紀事本末 冬十二月辛卯宋王裕加

在河南有司馬文榮者帥乞活干餘户屯金塘城南又

輕率以自保全遂委身事之為之防衛時宗室多逃亡

爵位歸老京師羣臣惟盛稱功德莫諭其意日晚坐散 今年将衰暮崇極如此物忌盛滿非可久安今欲奉還 義與復帝室南征北伐平定四海功成業者遂荷九錫 集朝臣宴飲從容言曰桓玄篡位縣命已移我首唱大 宋高祖永初元年春正月宋王欲受禪而難於發言乃 中書令傅亮還外乃悟而宫門已閉亮叩扉請見王即 直云須幾人自送亮日數十人可也即時奉解亮出己 開門見之亮人但曰臣暫宜還都王解其意無復他言

至建康 甚重之 物之情常自比管葛博涉書史不為文章不喜談議王 國祭軍南陽劉湛為長史决府州事湛自弱年即有宰 夜見長星竟天拊髀歎曰我常不信天文今始驗矣亮 位於宋具語草呈帝使書之帝欣然操筆謂左右曰桓 司雍并四州諸軍事豫州刺史鎮壽陽義康尚切以相 玄之時晉氏已無天下重為劉公所延将二十載今日 夏六月壬戌王至建康傳亮諷晉恭帝禪 夏四月徵王入朝王留子義康為都督豫

钦定日軍全書

通鑑把事本来

遷洛天下之惡一也鄉論清議除之過矣 奉晉恭帝 之事本所甘心遂書赤紙為詔甲子帝遜于琅邪第百 命身是晉室遺老悲歡之事固不可同廣邀之弟也帝 涕侍中謝晦謂之曰徐公得無少過廣曰君為宋朝佐 皇帝位禮畢自石頭備法駕入建康官徐廣又悲感流 官拜解秘書監徐廣流涕哀慟丁卯王為擅於南郊即 臨太極殿大赦改元其犯鄉論清議一皆蕩滌與之更始 裴子野論曰昔 重華受終四凶流放武王克殷頑民

皇考為孝務皇帝皇此趙氏為孝務皇后尊王太后蕭 氏為皇太后上事蕭太后素謹及即位春秋已萬每旦 王導謝安温崎陶侃謝玄之祀其宣力義熙豫同艱難 與廬陵始安長沙康樂五公降爵為縣公及縣侯以奉 入朝太后未當失時刻詔晉氏封爵當隨運改獨置始 為零陵王優崇之禮皆做晉初故事即宫于故秣陵縣 使冠軍將軍劉遵考將兵防衛降者后為王如追尊

者一仍本秩庚午以司空道憐為太尉封長沙王追封

通鑑紀事本末

都王義康為彭城王巴卯改泰始歷為永初歷 易我立皇子桂陽公義真為廬陵王彭城公義隆為宜 我治天下可謂人之云亡邦國於瘁又曰穆之死人輕 司徒道規為臨川王以道憐子義慶襲其爵其餘功臣 王鎮惡為龍陽縣侯上每歎念移之曰移之不死當助 徐羡之等增位進爵各有差追封劉楊之為南康郡公 八月辛未追益如臧氏為敬皇后立王大子義符為皇

於王王不肯飲口佛教自殺者不復得人身兵人以被 偉 褚 褐及與嬪妃共處一室自煮食於林前飲食所資皆出 零陵王偉歎曰配君以求生不如死乃於道自飲而卒 王每生男帝賴令秀之兄弟方便殺之王自遜位深意 妃故宋人莫得同其陈九月帝令淡之與兄右衛将 邵之兄也太常褚秀之侍中褚淡之皆王之妃兄也 权度往視如如出就别室相見兵人踰垣而入進藥 初帝以毒酒一點授前琅邪郎中令張偉使配

通鄉紀事本末

掩殺之帝的百官臨于朝堂三日 **元魏冠宋**

晉安帝義熙十三年夏五月乙未齊郡太守王懿降於 克乎對曰克之嗣曰何故對曰昔姚與好事虚名而少 主嗣善之崔浩侍講在前嗣問之曰劉裕伐姚必果能 魏上書言劉裕在洛宜發兵絕其歸路可不戰而克魏

實用子羽懦而多病兄弟乖爭裕乘其危兵精将勇何

故不克嗣曰裕才何如慕容垂對曰勝之垂藉父光之

是乎嗣曰谷既入關不能進退我以精騎直搗彭城壽 於治國短於用兵非劉裕敵也與兵遠攻未見其利不 陛下既不可親御六師雖有精兵末睹良将長孫當長 春裕将若之何對日今西有屈西北有柔然窺伺國際 禽慕容起南泉盧循所向無前非其才之過人安能如 如且安靜以待之裕克泰而歸心篡其主關中華戎雜 立功劉裕奮起寒微不階尺土討滅桓玄與復晉室北 通鑑紀事本末

資修復舊業國人歸之若夜蟲之就火少加倚仗易以

子一身寄食姚氏受其封殖不思轉恩報義而乗時傲 德宗之曹操也嗣曰屈再何如浩曰屈再國破家覆孤 容恪之輔切主慕容暐之霍光也劉裕之平禍亂司馬 為寇敵之資耳願陛下按兵息民以觀其變秦地終為 包火張羅捕虎雖留兵守之人情未治趨尚不同適足 國家之有可坐而守也嗣笑曰鄉料之審矣浩曰臣當 私論近世将相之臣若王猛之治國苻堅之管仲也慕 風俗勁悍裕欲以荆揚之化施之函秦此無異解衣

飲定四庫全法

奉使在魏還及河魏主造人追執之議發兵取洛陽虎 請和自是每歲交聘不絕及高祖祖殿中将軍沈範等 宋高祖水初三年 初魏主聞高祖克長安大懼遣使 然猶命長孫萬叔孫建各簡精兵同裕西過自成皇濟 精鹽一兩回朕味鄉言如此鹽酒故欲與鄉共饗其美 河南侵彭沛若不時遇則引兵隨之 通繼紀事本末

為人所吞食耳嗣大悦語至夜半賜浩御縹醪十觚水

利盜有一方結怨四鄰擬豎小人雖能縱暴一時終

臣爭權變難必起然後命将出師可以兵不疲勞坐收 離兵臨其境必相帥拒戰攻不可必不如緩之待其強 為陛下不取臣謂宜遣人事祭存其孤弱恤其凶災使 教事陛下不幸今死遽来喪伐之雖得之不足為美且 年滑臺崔浩諫回陛下不以劉裕欲起納其使貢裕亦 義聲布於天下則江南不攻自服矣况裕新死黨與未 國家今日亦未能一舉取江南也而徒有伐喪之名竊 北也魏主日劉裕乗姚與之死而滅之今我乘裕喪

地奚斤欲先攻城崔浩曰南人長於守城昔行氏攻襄 陽經年不拔今以大兵坐攻小城若不時克挫傷軍勢 史周幾吳兵将軍廣州刺史公孫表同入寇 敵得徐嚴而來我怠彼銳此危道也不如分軍略地至 月魏軍将發公鄉集議於監國之前以先攻城與先略

巴日東公共 |

通鑑紀事本末

節加晉兵大将軍行揚州刺史使督宋兵将軍交州刺

豐伐之今江南無累不可比也魏主不從假司空奚斤

而伐之何為不可治曰不然姚與死諸子交爭故裕來

步騎三千救之先是司馬楚之聚衆在陳留之境聞魏 東郡太守王景度告急於德祖德祖遣司馬程廣等将 二萬濟河管於滑臺之東時司州刺史毛德祖戌虎牢 准為限列置守宰收斂租穀則洛陽滑臺虎牢更在軍 兵濟河遣使迎降魏以楚之為征南将軍荆州刺史使 獲也公孫表固請攻城魏主從之於是奚斤等帥步騎 北絕望南救必公河東走不則為囿中之物何憂其不

侵擾北境德祖遣長社今王法政将五百人成邵陵将

等攻滑臺不拔求益兵魏主怒切責之壬辰自将諸國 尚書滑稽引兵襲倉垣兵吏悉踰城走陳留太守馮翊 會臺送軍資憐出迎之酸東民王玉馳以告魏丁西魏 嚴稜請斤降魏以王玉為陳留太守給兵守倉垣矣斤 軍劉憐将二百騎戍雍丘以備之楚之引兵襲憐不克 月魏太子纛将兵出屯塞上使安定王彌與安同居守 兵五萬餘人南出天關踰恒嶺為厅等聲援

庚戌奚斤等急攻滑臺拔之王景度出走景度司馬陽

通鑑紀事本末

牢毛德祖與戰屢破之魏主別遣黑稍将軍于栗磾将 費為魏所就不降而死魏主以成皇侯尚免為兖州刺 治中高道瑾将步騎五百據項城徐州刺史王仲德将 史鎮滑臺斤等進擊程廣等於土樓破之来勝進逼虎 兵也湖陸于栗彈濟河與奚斤并力攻實見等破之魏 史叔孫建将兵自平原濟河狗青充豫州刺史劉粹遣 河拒之十二月丙戌魏主至冀州遣楚兵将軍徐州剌 三千人屯河陽謀取金墉德祖遣振威将軍實晃等緣

琰棄尹卯南走於是泰山高平金鄉等郡皆沒於魏叔 遣使告急已丑詔南兖州刺史檀道濟監征討諸軍事 孫建等東入青州司馬愛之季之先聚衆於濟東皆降 人會周幾叔孫建南渡河軍於碼破癸未兖州刺史徐 主遣中領軍代人娥清期思侯柔然閣大肥将兵七千 三千人就劉粹量宜赴援 與王仲德共救之廬陵王義真遣龍縣将軍沈叔狸将 於魏戊子魏兵逼虎牢青州刺史東莞竺夔鎮東陽城

通監紀事本末

ニナハ

營陽王景平元年春正月魏于栗磾攻金墉癸卯河南 攻城不下彼素服卿威信令遣卿助之乃以雅為青州 芝夷不稼魏軍至無所 得食濟南太守垣苗帥衆依葵 太守王消之棄城走魏主以栗磾為豫州刺史鎮洛陽 刺史給雍騎使行募兵以取青州魏兵濟河向青州者 皆潰竺夔聚民保東陽城其不入城者使各依據山險 雅見魏主於郭魏主曰叔孫建等人青州民皆藏避 庚申檀道濟軍于彭城魏叔孫建入臨淄所向城邑

一 飲定四庫全書

退散逐復更合攻之益急奚斤自虎牢将步騎三千攻 襲其後魏兵發擾斬首數百級焚其攻具而還魏兵雖 敢死之士四百人使參軍范道基等帥之從穴中出掩 凡六萬騎可雍募兵得五千人撫慰士民皆送租供軍 類川太守李元德等於許昌元德等敗走魏以賴川人 之毛德祖於城內穴地入七丈分為六道出魏圍外募 三月魏奚斤公孫表等共攻虎年魏主自郭遣兵助

庾龍為賴川太守戍許昌毛德祖出兵與公孫表大戰

通鑑紀事本末

ニャセ

一破之亡甲士千餘人復嬰城自守魏主又遣萬餘人從 抗使劉粹召高道瑾還壽陽若沈叔狸已進亦宜且退 粹奏萬攻虎牢未復南向若遽攝軍拾項城則淮西諸 白沙渡河屯濮陽南朝議以項城去魏不遠非輕兵所 ,朝至明殺魏兵數百會奚斤自許昌還合擊德祖大 散卒二百至項劉粹使助高道瑾戍守請宥其犇敗 無所憑依沈叔狸已頓肥口又不宜遽退時李元德

罪朝議並許之乙已魏主畋於韓陵山遂如汲郡至

津遂如東郡陳留叔孫建将三萬騎逼東陽城城中文 積前後忽使人夜就帳中縊殺之乙卯魏主濟自靈目 年東不得便地故令城不時滅魏主素好術數以為然 表與太史今王亮少同營署好輕侮亮亮奏表置軍虎 表書朝多所治定表以書示斤斤疑之以告魏主先是 ·材頭初毛德祖在北與公孫表有舊表有權略德祖忠 之乃與交通音問密遣人說奚斤云表與之連謀每答

武纔一千五百人竺夔垣苗悉力固守時出奇兵擊魏

通鑑紀事本末

盟津于栗彈造浮橋於治阪津乙丑魏主引兵北濟西 近竺夔兵弱乃與王仲德兼行先殺之甲子劉粹遣李 城轉隨壞戰士多死傷餘衆困之旦着且陷檀道濟至 大麻紅挽之令折魏人復作長圍進攻逾急歷時浸久 彭城以司青二州並急而所領兵少不足分赴青州道 元德襲許昌斬座龍元德因留綏撫并上租糧魏主至 魏人填其三重為撞車以攻城襲遣人從地道中出以 破之魏步騎統城列陳十餘里大治攻具變作四重輕 一定四庫在 書 卷十九上

兵而将士稍零落 觀石經遣使祀高高叔孫建攻東陽隨其城北三十許 牢汲河之路停三日自督衆攻城竟不能下遂如洛陽 刺史伊樓拔助奚斤攻虎牢毛德祖隨方抗拒頗殺魏 射之清等盡攻破馬平諸縣減數千家屬掠萬餘口究 州刺史鄭順之成湖陸以兵少不敢出魏主又遣并州 夏四月丁卯魏主如成旱絕虎

如河內娥清周幾閣大肥徇地至湖陸高平民也聚而

步刁难請速入建不許遂不克及聞檀道濟等将至雅

通繼犯事本未

至東陽糧盡不能追竺變以東陽城壞不可守移鎮不 |處處狹隘車不得方軌雍請将所募兵五千據險以邀 道濟停軍湖陸仲德未至尹卯聞魏兵已遠還就道濟 其城叔孫建自東陽趨滑臺道濟分遣王仲德向尹卯 又謂建曰城畏官軍突騎以鎖連車為函陳大規以南 巴巴道濟軍于臨肠壬申建等燒營及器械而通道濟 相持不休兵自死盡何須復戰今全軍而返計之上也 之破之必矣時天暑魏軍多疫建曰兵人疫病過半若

面定匹庫全書

撫之以恩終無離心時檀道濟軍湖陸劉粹軍項城沈 其二重德祖惟保一城晝夜相拒将士眼皆生創德祖 其外城毛德祖於其內更築三重城以拒之魏人又毀 百日無日不戰勁兵戰死好盡而魏增兵轉多魏人毀 高都叔孫建自滑臺西就奚斤共攻虎年虎年被圍二 七營以領之 刁雜逐留鎮尹卯招集熊梁彭沛民五千餘家置二十 閏四月丁未魏主如河內登太行至

叔狸軍高橋皆畏魏兵殭不敢進丁已魏人作地道以

通鑑紀事本末

الملفيل المستورية

|洩虎牢城中井井深四十丈山勢峻峭不可得防城中 義不使城亡而身存也魏主命将士得德祖者必生致 魏所虜唯參軍范道基将二百人突圍南還魏士卒疫 未城陷将士欲扶德祖出走德祖曰我誓與此城俱斃 人馬渴之被割者不復出血重以饑疫魏仍急攻之己 死者亦什二三奚斤等悉定司究豫諸郡縣置守宰以 之将軍代人豆代田執德祖以獻将佐在城中者皆為 5四月至11

撫之魏主命周幾鎮河南河南人安之徐羡之傳亮謝

幾窓許昌許昌潰賴川太守李元德犇項戊辰魏人圍 助守項城魏人夷許昌城毀鍾城以立封疆而還 汝陽太守王公度亦犇項劉粹遣其将姚聳夫等将兵 南南陽南頓新昌四郡以益豫州 通鑑紀事本末 冬十一月魏

晦以失亡境土上表自劾詔分問

五月魏主還平

虎牢使娥清周幾鎮枋頭以司馬楚之所将户口置汝

秋九月乙亥魏主還宮召奚斤還平城留兵守

一缸定四庫全書 一 宋高祖永初元年秋八月癸酉立王太子義符為皇太

醫藥群臣請祈祷神祇上不許唯使侍中謝方明以疾 書僕射傅亮領軍将軍謝晦護軍将軍檀道濟並入侍 三年春三月上不豫太尉長沙王道憐可空徐美之尚

告宗廟而已上性不信奇怪微時多符瑞及貴史官審

史鎮廣陵悉監淮南諸軍皇太子多押羣小謝晦言於

以所聞上拒而不答檀道濟出為鎮北将軍南兖州剌

代頗識機變若有同異必此人也又為手記曰後世若 部有難御之氣也徐美之傅亮當無異圖謝晦數從征 甚名太子誠之曰檀道濟雖有幹略而無速志非如兄 車騎将軍開府儀同三司南豫州刺史 真義真盛欲與談晦不甚答晦還曰德輕於才非人主 荷非才上曰廬陵何如晦日臣請觀馬出造廬陵王義 也丁未出義真為都督南豫豫雅司秦并六州諸軍事 上曰陛下春秋既高宜思存萬世神器至重不可使負 五月帝疾

通鑑紀事本末

癸亥帝殂于西殿太子即皇帝位年十七大赦尊皇太 書令傅亮領軍将軍謝晦鎮北将軍檀道濟同被顧命 后日太皇太后立妃司馬氏為皇后 有幼主朝事一委宰相母后不煩臨朝司空徐羡之中 文帝元嘉元年管陽王居喪無禮好與左右狎眶也戲 定匹庫全建 / 卷十九上

習武備鼓鞞在宫聲聞于外黷武掖庭之內諠譁省閱

無度特進致任范泰上封事口伏聞陛下時在後園頗

之間非徒不足以威四夷抵生遠近之怪陛下践作委

惡義真與靈運等遊於是羡之等以為靈運延之構扇 負才能宜參權要常懷慎邑延之皆酒放縱徐羡之等 愛文義而性輕易與太子左衛率謝靈運員外常侍顏 為宰相慧琳為西豫州都督靈運性編傲不遵法度自 政年臣實同島宗訪問之美而更親押小人懼非社稷 延之慧琳道人情好款密書云得志之日以靈運延之 至計經世之道也不聽南豫州刺史廬陵王義真警悟

異同非毀執政出靈運為水嘉太守延之為始安太守

通鑑紀事本末

宜在容養録善掩瑕訓盡義方進退以漸今很加剝辱 子之道致招縣您之您至於天姿夙成實有卓然之美 遇長受陛下睦愛之思故在心必言所懷必亮容犯臣 吉陽令堂邑張約之上疏曰廬陵王少蒙先皇優慈之 義真與帝有除先奏列其罪惡廢為庶人徒新安都前 之數有不平之言又表求還都諮議恭軍何尚之屢諫 義真至歷陽多所求索執政每裁量不盡與義真深怨 不聽時羨之等已密謀廢帝而次立者應在義真乃因

新定四庫全書 卷十九上

伏思大宋開基造次根條未繁宜廣樹藩戚敦睦以道 朝舊将威服殿省且有兵衆乃名道濟及江州刺史王 弘入朝五月皆至建康以廢立之謀告之甲申謝晦以 人谁無過貴能自新以武皇之爱子陛下之懿弟豈可 幽徒遠郡上傷陛下常棣之篤下令遠近恒然失圖臣 以其一青長致淪棄哉書奏以約之為梁州府參軍尋 夏四月徐美之等以南兖州刺史檀道濟先

領軍府屋敗悉令家人出外聚将士於府內又使中書

钦定四事全書 一人

侍者傷帝指扶出東問收璽綬羣臣拜辭衛送故太子 肆親自沽賣又與左右引船為樂夕街天湖池即龍舟 得眠道濟就寝便熟晦以此服之時帝於華林園為列 舍人那安泰潘盛為內應夜邀檀道濟同宿梅竦動不 官侍中程道惠勸美之等立皇弟南豫州刺史義恭美 之等以宜都王義隆素有令望又多符瑞乃稱皇太后 龍門安泰等先誠宿衛莫有禦者帝未與軍士進殺二 而寝乙酉詰旦道濟引兵居前美之等繼其後入自雲

遷營陽王於吳使檀道濟入守朝堂王至吳止金昌亭 以下又稱皇太后令奉還璽綬并廢皇后為營陽王妃 異於斯居中則任僕妾處外則近趨走太子皇子有師 養子能言而師授之解能行而傳相之禮宋之教誨雅 門追者以門關語而敌之 六月癸丑羨之等使邢安泰就哉之王多力突走出昌 令数帝遇惡廢為營陽王以宜都王纂承大統赦死罪 裴子野論曰古者人君

有侍是二職者皆臺早也制其行止授其法則導達減

大 AU 习 自 AL ALIO 一通鑑紀事本末

勸之以吝嗇狂愚者或誘之以凶思雖有師傅多以看 呼有國有家其鑑之矣 一 截往往專恣竊弄威權是以本枝雖茂而端士微寡嗣 其流遠矣降及太宗舉天下而棄之亦昵比之為也鳴 君冲切世繼姦回雖惡物 醜類天然自出然習則生常 而已亦弗與遊切王臨州長史行事宣傳教命又有典 艾大夫為之雖有友及文學多以膏粱年少為之具位 否問弗由之言不及於禮義識不達於今古謹較者能 傳亮帥行臺百官奉法駕迎

義真於新安美之以荆州地重恐宜都王至或别用人 軍事荆州刺史欲令居外為援精兵舊将悉以配之 乃亟以錄命除領軍将軍謝晦行都督荆湘等七州諸 **營陽王乃馳信止之不及羨之大怒曰與人共計議如** 有稅主之名欲立于世将可得邪時見也與美之議害 何旋背即實惡於人邪羨之等又遣使者殺前廬陵王 與之别原日管陽在吳宜厚加供奉一旦不幸即諸人 宜都王于江陵祠部尚書蔡原至尋陽遇疾不堪前亮

欽定四車全書

通鑑紀事本末

華曰先帝有大功於天下四海所服雖嗣主不綱人望 佐開營陽廬陵王死皆以為疑勸王不可東下司馬王 王皆不許教州府國綱紀有其統內見刑原逋責諸将 十八下教曰猥以不德謬降大命顧己就悸何以克堪 傅亮帥百僚詣門上表進璽紋儀物甚盛宜都王時年 心勿為解責府州佐史並稱臣請題榜諸門一依宮省 輕當暫歸朝廷展哀陵寝并與賢彦申寫所懷望體其 秋七月行臺至江陵立行門於城南題曰大司馬門 志不過欲握權自固以少主仰待耳殿下但當長驅六 将来受禍致此殺害蓋由貪生過深寧敢一朝頓懷逆 奉迎其以見德悠悠之論殆必不然又羨之等五人同 功並位熟肯相讓就懷不軌勢必不行廢主若存慮其 斷将來必不自容以殿下寬敵慈仁速近所知且越次 大将軍之心明矣受寄崇重未容遽敢背德畏廬陵嚴

未改徐羡之中才寒士傅亮布衣諸生非有晉宣帝王

轡以副天人之心 王曰卿復欲為宋昌邪長史王墨首

吹至日事公長 通鑑紀事本末

真及少帝费廢本末悲哭嗚咽侍側者莫能仰視亮流 一勝甲戌王發江陵引見傳亮號泣哀動左右既而問義 遠通之望也會雍州刺史褚叔度卒乃遣彦之權鎮襄 流若使有虞此師既不足恃更開無隙之端非所以副 欲使到彦之将兵前驅彦之曰了彼不反便應朝服順 南蠻校尉到彦之皆勸王行曇首仍陳天人符應王乃 日諸公受遺不容背義且劳臣信将內外充滿今兵力 又足以制物夫何所疑乃命王華热後任留鎮荆州王

備法駕入宫御太極前殿大赦改元文武賜位二等戊 堂百官奉璽終王辭讓數四乃受之即皇帝位于中堂 徐羨之問傅亮曰王可方誰亮曰晉文帝以上人羨之 伍中兵参軍朱容子抱刀處王所乘舟户外不解带者 曰必能明我赤心亮曰不然丁酉王謁初寧陵還止中 王以府州文武嚴兵自衛臺所遣百官衆力不得近部 八月丙申宜都王至建康羣臣迎拜於新亭

通鑑紀事本末

汗沾背不能對乃布腹心於到彦之王華等深自結

戊竭太廟的復廬陵王先封迎其 極及孫脩華謝妃還 威據上流之重以古推今自免為難晦始懼不得去既 昏立明義無不可但殺人二兄而以之北面挟震主之 建康庚子以行荆州刺史謝晦為真晦将行與蔡廓 祭顧望石頭城喜曰今 得脫矣癸卯徐羨之進位司徒 屏人問曰吾其免乎廓曰即受先帝顧命任以社稷廢 軍檀道濟進號征北将軍有司奏車駕依故事臨華 王弘進位司空傅亮加開府儀同三司謝晦進號衛将

陵深布誠款晦亦厚自結納彦之留馬及利劒名刀以 南下謝晦已至鎮慮彦之不過已彦之至楊口步往江 朱容子為右軍将軍甲很徐美之等欲即以到彦之為 與晦晦由此大安 雍州帝不許徵彦之為中領軍委以我政彦之自襄陽 園聽訟詔曰政刑多所未悉可如先者二公推訊帝以 王曇首王華為侍中曇首領右衛将軍華領驍騎将軍

二年春正月徐羡之傅亮上表歸政表三上帝乃許之

通鑑紀事本末

貴之願疾徐美之傳亮專權日夜構之於帝會謝晦二 參軍及即位以第子為步兵校尉與侍中王華並有富 年乃許之 與太守王韶之等並謂非宜敦勸甚苦乃復奉詔視事 **丙寅始親萬機羨之仍遜位還第徐珮之程道惠及吳** 女當造彭城王義康新野侯義賓遣其妻曹氏及長子 秋八月王弘自以始不預定策不受司空表該彌 十一月初會稽孔窮子為帝鎮西諮議

世休送女至建康帝欲誅羡之亮并發兵討晦聲言當

一代魏取河南又言拜京陵治行装艦亮與晦書曰薄伐 三年春正月謝晦弟黃門侍郎瞻馳使告晦晦猶謂不 征上當造外監萬切宗往相諮訪時朝廷處分異常其 河朔事猶未已朝野之慮發懼者多又言朝士多諫北

然以傅亮書示語議参軍何承天曰計切宗一二日必

至傅公慮我好事故先遣此書承天曰外間所聞成謂

西討已定幻宗豈有上理晦尚謂虚妄使承天豫立答

通鑑紀事本末

自裁邪承天曰尚未至此以王者之重舉天下以攻一 戒嚴動用軍法區區所懷懼不得盡晦懼曰鄉豈欲我 軍樂問封以示晦晦問承天曰若果爾卿令我云何對 書言朝廷将有大處分其事已審使其輔國府中兵參 語故草言代房宜須明年江夏內史程道惠得尋陽人 州大小既殊逆順又異境外求全上計也其次以腹心 口崇将軍殊顧常思報德事變至矣何敢隱情然明日 欽定四庫全書

将兵屯義陽将軍自帥大衆戰於夏口若敗即趨義陽

因曰起必能辦下官請解司馬南都以授之晦即於坐 議參軍琅邪顏部謀舉兵部飲藥而死晦立幡戒嚴謂 馬周超對曰非徒守城而已若有外寇可以立功登之 敢受此言晦仍問諸将佐戰士三千足守城否南蠻司 劉粹登之曰下官親老在都又素無部衆情計二三不 司馬庾登之曰今當自下欲屈卿以三千人守城備禦 以出北境其次也晦良久日荆州用武之地兵糧易給 且决戰走復何晚乃使承天造立表檄又與衛軍諮

防可遣中領軍到彦之即日電發征北将軍檀道濟縣 皆以為不可帝曰道濟止於舜從本非創謀殺害之事 帝以王弘檀道濟始不預廢我之謀弘弟墨首又為帝 欽定四庫全書 寅下詔暴美之亮晦殺營陽王廬陵王之罪命有司誅 之且曰晦據有上流或不即罪朕當親帥六師為其過 又所不關吾撫而使之必将無慮乙丑道濟至建康丙 所親委事将發密使報弘且召道濟欲使討晦王華等 命超為司馬領南義陽太守轉登之為長史南郡如故

書舍人以語書示亮并謂曰以公江陵之誠當使諸子 車出郭步走至新林入陶電中自經死亮乗車出郭門 解以嫂病暫還遣信報羨之美之還西州乘內人問訊 行至西明門外謝瞬正直遣報亮云殿內有異處分亮 斷其走伏罪止元凶餘無所問是日語名羨之亮羨之 無意亮讀記書記曰亮受先帝布衣之眷遂紫顔託點 乘馬犇兄迪墓屯騎校尉郭羽收之至廣莫門上遣中

通鑑紀事本末

驛犇路符衛軍府州以時收剪已命雍州刺史劉粹等

晦子世休收緊謝暗帝将討謝晦問策於檀道濟對曰 昏立明社稷之計也欲加之罪其無解乎於是誅亮而 為侍中司徒錄尚書事揚州刺史以彭城王義康為都 臣首與晦同從北征入關十策晦有其九才略明練殆 徒其妻子於建安誅美之二子而宥其兄子珮之又誅 督荆湘等八州諸軍事荆州刺史樂冏復遣使告謝晦 悉臣男今奉王命以討之可未陳而擒也丁卯徵王弘 為少敵然未嘗孤軍決勝戎事恐非其長臣悉晦智晦

盡其宜數日間四速投集得精兵三萬人乃奉表稱美 故廬陵王於營陽之世積怨犯上自貼非命不有所廢 國初廢營陽陛下在遠武皇之子尚有童幼擁以號令 既而自出射堂勒兵晦從萬祖征討指麾處分莫不曲 誰敢非之豈得泝流三千里虛館七旬仰望鸞旗者哉 以徐傅及瞬等已誅晦先舉美之亮哀次發子弟凶問 之亮等忠貞横被冤酷且言臣等若志欲執權不專為

|将何以與耿弇不以賊遺君父臣亦何負於宋室邪此

通鑑紀事本末

皆王弘王雲首王華險躁猜忌讒構成禍今當舉兵以 留任帝姊會稽公主留止臺內總攝六宫謝晦自江陵 除君側之惡。帝下詔戒嚴大赦諸軍相次進路以討 東下何承天留府不從晦至江口到彦之已至彭城 與彭城王義康居守入居中書下省侍中殷景仁參掌 得以此為勤王之師 晦晦以弟遯為竟陵內史将萬人捻留任帥衆二萬 江陵列舟艦自江津至于破冢旌旗蔽日歎曰恨 定四庫全書 二月庚申上發達康命王弘

三監於終闕臣便勒衆旋旗還保所任初晦與徐美之 栅陷之諸将咸欲退還夏口到彦之不可乃保隱圻晦 兵參軍孔延秀攻将軍蕭欣於彭城洲破之又攻洲口 庾登之據巴陵畏懦不敢追會霖雨連日參軍劉和 又上表自訟且自於其捷曰陛下若泉四凶於南庭縣 艦用火宜須晴以緩戰期晦然之停軍十五日乃使中 之恒怯使小将陳祐作大囊貯茅懸於帆檔云可以焚 曰彼此共有雨耳檀征北尋至東軍方殭唯宜速戰登

通鑑紀事本末

四十四

至沙橋周起帥萬餘人逆戰大破之士衆傷死者過半 江陵先是帝遣雍州刺史劉粹自陸道帥步騎襲江陵 上前後連四西人雜沮無復關心戊辰臺軍至忌置洲 有疆兵足以制朝廷羡之亮居中秉權可得持久及聞 傳亮為自全之計以為晦據上流而檀道濟鎮廣陵各 尾列艦過江晦軍一時皆潰晦夜出投巴陵得小船還 艦緣岸晦始見艦數不多輕之不即出戰至晚因風帆 道濟帥衆来晦惶懼無計道濟既至與到彦之軍合牽

承天自歸彦之因監荆州府事以周超為來軍劉粹以 走逃肥壮不能乘馬晦每待之行不得速已夘至安陸 單舸請到彦之降晦衆散略盡乃攜其弟逐等七騎北 還晦至江陵無它處分唯愧謝周起而已其夜超捨軍 俄而晦敗問至初晦與粹善以粹子曠之為參軍帝疑 之王弘曰粹無私必無憂也及受命南討一無所鎮帝 延頭為戍主光順之所執檻送建康到彦之至馬頭何 以此嘉之晦亦不殺曠之遣還粹所丙子帝自蕪湖東

通鑑紀事本末

免官禁錮何承天及南蠻行祭軍新興王玄謨等皆見 原、 同黨孔延秀周超等晦女彭城王妃被髮徒跣與晦訣 沙橋之敗告乃執之於是誅晦畸逐及其兄弟之子并 征南大将軍開府儀同三司江州刺史到彦之為南豫 曰大丈夫當横尸戰場奈何狼籍都市麼登之以無任 之為中書侍郎賞遇甚厚 夏五月乙未以檀道濟為 三月辛已帝還建康徵謝靈運為秘書監顏延

新庆四月在 ·

六年春正月王弘上表乞解州錄以授彭城王義康帝 在州職事修治在光禄大夫范泰謂司徒王弘曰天下 文帝元嘉五年春正月 上表引咎遜位帝不許 次弟宜徵還入朝共參朝政弘納其言時大旱疾疫弘 事重權要難居鄉兄弟盛滿當深存降挹彭城王帝之 宋高祖永初元年夏六月立皇子義康為彭城王 荆州刺史彭城王義康性聪察

通鑑紀事木木

彭城王專政

謂人曰王公久病不起神州詎宜即治曇首勸弘減府 七年彭城王義康與王弘並錄尚書義康意猶快快欲 軍事司徒錄尚書事領南徐州刺史弘與義康二府並 優紹不許癸丑以義康為侍中都督楊南徐兖三州諸 悦弘以老病屢乞骸骨曇首自求吳郡上皆不許義康 置佐領兵共輔朝政弘既乡疾且欲委遠大權每事推 得揚州形於辭古以弘弟曇首居中為上所親委愈不 議義康由是義康專總內外之務

労田月在ま

間已猜除漸生知帝信仗景仁不可移奪時司徒義康 一旦居前意甚慎慎俱被時遇以景仁專管內任謂為 中文武之半以授義康上聽割二千人義康乃悦 之入也景仁實引之湛既至以景仁位遇本不踰已而 九年夏六月戊寅司徒南徐州刺史彭城王義康改領 二年春三月 領軍将軍劉湛與僕射殷景仁素善湛

專東朝權港當為義康上佐遂委心自結欲因宰相之

通鑑記事本末

慎怒使義康毀景仁於帝帝遇之益隆景仁對親舊歎 加景仁中書令中護軍即家為府湛加太子詹事湛愈 力以回上意傾點景仁獨當時務 夏四月已己帝

使停家養病湛議遣人若劫盗者於外殺之以為帝雖 知當有以解之不能傷義康至親之爱帝微聞之遷護 曰引之令入入便噬人乃稱·疾解職表疏累上帝不許

軍府於西掖門外使近宫禁故湛謀不行義康僚屬及

諸附麗湛者潛相約勒無敢歷殷氏之門彭城王主簿

常使炳之街命往来湛不疑也炳之登之之弟也 闔門慙懼無地自處唯後将軍司馬庾炳之遊二人之 港口老父悖耄遂就殷鐵干禄由敬文閣淺上負生成 十三年春二月 司空江州刺史永脩公檀道濟立功前 朝威名甚重左右腹心並經百戰諸子又有才氣朝廷 問皆得其歡心而密輸忠於朝廷景仁卧家不朝謁帝

沛郡劉敬文父成未悟其機請景仁求郡敬文遠往謝

疑畏之帝久疾不愈劉湛說司徒義康以為宫車一日

通鑑紀事本末

心收付廷尉并其子給事黃門侍郎植等十一人誅之 **發會帝疾動義康矯詔名道濟入祖道因執之三月已** 名禍其至矣既至留之累月帝稍間将遣還已下渚未 朝其妻向氏謂道濟曰禹世之勲自古所忌今無事相 晏駕道濟不復可制會帝疾為義康言於帝召道濟入 唯有其孫孺又殺司空參軍薛形高進之二人皆道濟 未下詔稱道濟潛散金貨招誘剽猾因胀寢疾規肆禍 腹心有勇力時人比之關張道濟見收慎怒目光如炬 新定四庫全書 | K 卷十九上

發屢至危殆義康盡心管奉藥食非口所親當不進或 究州刺史江夏王義恭進位司空 十七年 十六年春正月庚寅司徒義康進位大将軍領司徒南 吴子輩不足復軍庚申大赦以中軍将軍南熊王義宣 為江州刺史 司徒義康專總朝權上蘇疾積年心勞輔

脱情投地日乃壞汝萬里長城魏人聞之喜曰道濟死

連夕不寐內外衆事皆專決施行性好吏職糾剔文案

通鑑紀事本末

早几

然素無學術不識大體朝士有才用者皆引入已府府 港曰王敬弘王球之屬竟何所堪坐取富貴復那可解 木當懈後復能疆記耳目所經終身不忘好於稠人廣 近朝野輻凑每旦府門當有車數百乘義康傾身引接 莫不精盡上由是多委以事凡所陳奏入無不可方伯 僚無施及忤古者乃斥為臺官自謂兄弟至親不復存 席標題所憶以示聰明士之幹練者多被意遇嘗謂劉 以下並令義康選用生殺大事或以錄命斷之勢傾遠

甚厚湛善論治道箭代故事殺致銓理聽者忘疲每 推崇之無復人臣之禮上浸不能平湛初入朝上思禮 仁有除湛欲倚義康之重以領之義康權勢已盛港愈 冬月敢甘歎其形味並劣義康曰今年甘殊有佳者遣 入雲龍門御者即解駕左右及羽儀隨意分散不夕不 人還東府取甘大供御者三寸領軍劉湛與僕射股景 言臺四方獻饋皆以上品薦義康而以次者供御上當 通鑑紀事本末

君臣形迹率心而行曽無猜防私置僮六千餘人不以

為使義康具顧命語義康還省流涕以告港及景仁港 左長史劉斌湛之宗也大将軍從事中郎王履諡之孫 上曰相王權重非社稷計宜少加裁抑上陰然之司徒 其将去比入吾亦視日早晚苦其不去殷景仁密言於 出以此為常及晚節驅煽義康上意雖內離而接遇不 義康見上分疾皆謂宫車一日晏駕宜立長君上當疾 也及主簿劉敬文祭酒魯郡孔角秀皆以傾諂有龍於 改嘗謂所親曰劉班初自西還宫與語常視日早晚慮

欲以斌代之故上曰羊玄保欲還不審以誰為會稽上 未卒上曰以為吳郡後會稽太守羊玄保求還義康又 分矣義康欲以劉斌為丹陽尹言次改上陳其家貧言 也及上疾寒微聞之而斌等密謀欲使大業終歸義康 遂邀結朋黨同察禁省有不與已同者必百方構陷之 等賴就尚書議曹索晉咸康末立康帝舊事義康不知 曰天下艱難記是幼主所御義康景仁並不答而旨秀 又採拾景仁短長或虚造異同以告湛自是主相之勢 通錫紀事本末

黙子等五人於廣州因大赦是日較義康入宿留止中 時未有所擬倉猝回我巴用王鴻自去年秋上不復往 推選耳今既窮毒無復此望禍至其能久乎 上以司 復全地謂所親曰今年必敗常曰正賴口舌争之故得 東府五月癸已劉湛遭母憂去職湛自知罪豐已彰無 湛付廷尉下詔暴其罪惡就獄誅之并誅其子點亮嚴 徒彭城王義康嫌隙巳著将成褐亂冬十月戊申收劉 及其黨劉斌劉敬文孔角秀等八人徒尚書庫部郎

皆委之初檀道濟薦吳興沈慶之忠謹晓兵上使領隊 堂台景仁景仁猶稱脚疾以小牀與就坐誅討處分一 義康為江州刺史侍中大将軍如故出鎮豫章初段景 常遣人宣旨告義康以湛等罪狀義康上表遜位詔以 書省其夕分收港等青州刺史杜縣勒兵殿內以備非 使拂拭衣冠左右皆不晓其意其夜上出華林園延賢 小公以咨之影迹周密莫有窺其際者收港之日景仁 仁卧疾五年雖不見上而密函去来日以十數朝政大

完包日事 在 专一

通鑑紀事本木

香公主於兄弟為長嫡素為上所禮家事大小必咨而 累收港之夕上開門白慶之慶之戎服縛袴而入上曰 論慶之正色曰下官在省十年自應得轉不復以此仰 防東掖門劉湛為領軍嘗謂之曰鄉在省歲久比當相 後行高祖微時常自於新洲伐荻有衲布衫襖城皇后 康尤親厚上深街之義康敢湛之被收罪當死其母會 慶之收劉斌殺之驍騎将軍徐湛之達之之子也與義 卿何意乃爾急裝慶之回夜半與隊主不容緩服上遣

告球球命左右為取履先温酒與之謂日常日語汝云 進利深結義康及湛球屢戒之不從誅湛之夕履徒跣 尚書王球履之叔父也以簡淡有美名為上所重履性 以錦囊盛衲衣擲地回汝家本貧賤此是我母與汝久 此衣示之至是公主入宫見上號哭不復施臣妄之禮 手所作也既貴以付公主曰後世有驕奢不節者可以 何履怖懼不得答球徐曰阿父在汝亦何憂上以球故 所作今日得一飽餐遽欲殺我免邪上乃赦之 吏部

完包日華全書 ·

不染於二公之難上聞而嘉之湛夷之子也彭城王義 求婚於湛湛固解道濟因義康以請之湛拒之愈堅故 簿江湛早能自疎求出為武陵內史檀道濟嘗為其子 侵得免死廢於家義康方用事人爭求親瞪唯司徒主 佐義康數有規益早卒義康将南歎曰昔謝述唯勸吾 所言上遣沙門慧琳視之義康曰弟子有還理不慧琳 康停省十餘日見上奉辭便下者上唯對之慟哭餘無 曰恨公不讀數百卷書初吳與太守謝述裕之弟也累

也使龍驤将軍蕭承之将兵防守義康左右愛念者並 議於軍領豫章太守事無大小皆以委之斌摹之之子 上就會稽公主宴集甚權主起再拜叩頭悲不自勝上 聽隨從資奉優厚信賜相係朝廷大事皆報示之久之 謝述若存義康必不至此以征虜司馬蕭斌為義康諮 退劉班唯勸吾進今班存而述死其敗也宜哉上亦曰

通鑑紀事本未

不晓其意自起扶之主曰車子歲暮必不為陛下所容

一欽定四庫全書 違令誓便是負初寧陵即封所飲酒賜義康拜書曰會 揚州羸疾遂寫上為之敕西州道上不得有車聲癸丑 務好飲宴億弟所餘酒今封送故終主之身義康得無悉! **徵南兖州刺史江夏王義恭為司徒録尚書事戊寅以臨** 臣光曰文帝之於義康友愛之情其始非不隆也終於失 川王義慶為南兖州刺史 有厭己詩云貪人敗類其是之謂乎 兄弟之歡虧君臣之義迹其亂陷正由劉湛權利之心無 冬十一月殷景仁既拜

情淺行數犯名教為士流所鄙性躁競自謂才用不盡 常快快不得志吏部尚書何尚之言於帝曰范曄志趣 為吏部即俱參機密演之勁之曾孫也睡有傷才而薄 主簿沈璞睡泰之子璞林子之子也睡尋愛左衛将軍 異常請出為廣州刺史若在內豐成不得不加鈇鉞鈇 以吏部郎沈演之為右衛将軍對掌禁旅又以庾炳之

通温记事本末

卒十二月癸亥以光禄大夫王球為僕射戊辰以始與

王濬為揚州刺史時濬尚幼州事悉委後軍長史范曄

一 飲定四庫全書 請闕上表稱昔家盘諫漢文帝曰淮南王若道路遇**霜** 謂卿等不能容才朕信受讒言但共知其如此無能為 鉞亟行非國家之美也帝曰始誅劉湛復遷范曄人将 康先朝之爱子陛下之次弟若有迷謬之愆正可數之 露死陛下有殺弟之名文帝不用追悔無及彭城王義 康都督江交廣三州諸軍事前龍縣祭軍巴東扶令育 十八年春正月彭城王義康至豫章辭刺史甲辰以義

康獄賜死 臣所言於國為非請伏重誅以謝陛下表奏即收付建 路絕矣何必司徒公揚州牧然後可以置彭城王哉若 返于京甸兄弟協和君臣輯睦則四海之望塞多言之 義康年窮命盡在忽於南臣雖微賤竊為陛下羞之陛 南垂草菜點首皆為陛下痛之廬陵往事足為龜鑑恐 下徒知惡枝之宜伐豈知伐枝之傷樹伏願亟名義康 以善惡道之以義方奈何信疑似之嫌一旦點削遠送 裴子野論曰夫在上為善若雲行雨施

二十二年 初魯國孔熈先博學文史無通數術有縱 累禁军聞直該豈骨鯁之氣俗愧前古抑時王刑政使 之舍弘尚掩耳於彭城之戮自斯以後誰易由言有宋 之然乎張約順於權臣扶育斃於哲后宋之鼎鑊吁可

萬物受其賜及其惡也若天裂地震萬物所驚駭其誰

弗知其誰弗見豈戮一人之身鉗一夫之口所能接逃

所能弭減哉是不勝其忿怒而有增於疾疹也以太祖



識帝必以非道晏駕由骨肉相殘江州應出天子以范 默之為廣州刺史以贓 獲罪大将軍彭城王義康為救 中舍人謝綜晦之甥也熙先傾身事之綜引熙先與睡 既利其財又愛其文藝由是情好款洽熈先乃從容説 相識熙先家饒於財數與睡博故為拙行以物輸之時 **曄志意不滿欲引與同謀而熙先素不為曄所重太子** 解得免及義康遷豫章熙先密懷報效且以為天文圖 通鑑紀事本末

横才志為員外散騎侍郎不為時所知憤慎不得志久

者皆國之俊人豈言行玷缺然後至於禍辱哉皆以廉 奉明聖號今天下誰敢不從小人請以七尺之軀三寸 熙先曰昔毛玠竭節於魏武張温畢議於孫權彼二人 心結英豪之士表裏相應發於肘腋然後誅除異我崇 文舛錯此所謂時運之至不可推移者也若順天人之 睡口大将軍英斷聰敏人神攸屬失職南垂天下憤怨 之舌立功立事而歸諸吾子丈人以為何如雖甚愕然 小人受先君遺命以死報大将軍之德頃人情騷動天 庭此庫全建 1

惟宣書籍遠事也哉今建大動奉賢哲圖難於易以安 易危享厚利收鴻名一旦 包舉而有之豈可弃置而不 之不深發之不早戮及百口猶曰未厭是可為寒心悼 乎所爭不過祭名勢利先後之間耳及其末也唯恐陷 近者段鐵一言而劉班碎首彼豈父兄之讎百世之怨 取哉睡猶疑未决熈先曰又有過於此者愚則未敢道 察過於兩臣讒夫側目為日久矣比肩競逐庸可遂子

直勁正不得久容大人之於本朝不深於二主人間雅

一致包日車全書

解晚隙復敦往好大将軍府史伸承祖有寵於義康聞 康女綜為義康記室奏軍自豫章還申義康意欲職求 獲罪於義康謝崇及父述皆為義康所厚綜弟約娶義 |子晦門無內行故熙先以此激之晦點然不應反意乃 室人以大丞相遇而丈人曾不恥之欲為之死不亦惑 之先至當獨被引曄以此為怨曄累經義康府佐中間 决睡與沈演之並為帝所知睡先至必待演之俱入演 耳睡口何謂也熈先口丈人弈禁清通而不得連姻帝 奮戈即日斬伯符首及其黨與今遣獲軍将軍減質奉 内應法靜之豫章熙先付以棧書陳說圖識於是密相 署置及素所不善者並入死目熙先又使弟休先作檄 文稱賊臣趙伯符肆兵犯蹕禍流儲宰湛之曄等投命 祖因此結事湛之告以密計道人法略尼法靜皆感義 康舊恩並與熈先往来灋靜妹夫許曜領隊在臺許為

熙先有謀密相結納丹陽尹徐湛之素為義康所爱承

璽經迎彭城王正位良極熙先以為舉大事宜須以義

連繼紀事本末

隱拒熙先聞之笑曰凡處分符檄書疏皆范所造云何 先於外收綜及熙先兄弟皆款服帝遣使詰問曄曄猶 於今方作如此抵蹋邪帝以睡墨迹示之乃具陳本末 署姓名上之帝乃命有司收掩窮治其夜呼睡置客省 濟密以其謀白帝帝使湛之具探取本末得其檄書選 侍帝扣刀目曄曄不敢仰視俄而座散徐湛之恐事不 宣示同黨帝之燕武帳岡也職等謀以其日作亂許曜 康之古論衆睡又非作義康與湛之書令誅君側之惡

中書若囚死之後或可追錄庶九泉之下少塞聖責時 即死而上窮治其獄遂經二旬曄更有生望獄吏戲之 恩且陳圖識深戒上以骨肉之禍曰願且勿遺棄存之 志此乃我自卿也又責前吏部尚書何尚之曰使孔熙 才造人慰勉之曰以郷之才而滞於集書省理應有異 在獄為詩曰雖無嵇生琴庶同夏侯色曄本意謂大獄 先年将三十作散騎郎那不作賊熙先於獄中上書謝

明日仗士送付廷尉熙先望風吐款解氣不撓上奇其

民定日東全書

不近於道果銳無檢未可與押綜不從而敗綜母以子 **曄悲涕流連綜曰舅殊不及夏侯色曄收淚而止謝約** 事畴告攘袂瞋目躍馬顧的自以為一世之雄今擾攘 不預逆謀見兄綜與熙先遊嘗諫之曰此人輕事好奇 至市涕泣責晦以手擊晦頸晦色不作妹及妓妄来別 存十二月乙未睡綜熙先及其子弟黨與皆伏誅晦母 紛紜畏死乃爾設令賜以性命人臣圖主何顔可以生 口外傳詹事或當長繁睡聞之驚喜綜熙先笑之曰詹

裴子野論曰夫有逸羣之才必思冲天之據蓋俗之量 單随唯有一厨盛樵薪弟子冬無被叔父單布衣 所陳多不盡為曄等解所連引上赦不問臧質熹之子 朝而随嚮之所謂智能翻為亡身之具矣 弘仁范蔚宗皆忸志而貪權矜才以狗逆累葉風素一 則慎常均之下其能守之以道将之以禮殆為鮮乎劉

通錫紀事本末

收籍睡家樂器服玩竝皆珍麗妓妾不勝珠翠母居止

弟自蹈送亂獨不出視曄語綜曰姊今不来勝人多至

二十四年冬十月壬午胡藩之子誕世殺豫章太守桓 讀書見淮南属王長事廢書歎曰自古有此我乃不知 伯符孝穆皇后之弟子也 得罪為宜也庚戌以前豫州刺史趙伯符為護軍将軍 軍沈卻為安城相領兵防守卸璞之兄也義康在安成 有司奏削彭城王義康爵收付廷尉治罪丁酉詔免義 也先為徐究二州刺史與職厚善職以為義與太守 康及其男女皆為庶人絕屬籍徒付安成郡以寧朔将

和之去官歸過豫章擊斬之 隆之據郡反欲奉前彭城王義康為主前交州刺史檀

爱生必為礼階雖遠何益請死於此恥復屢遷竟未及 義康數有怨言搖動民聽故不逞之族因以生心請徒 廣州上将徙義康先遣使語之義康曰人生會死吾豈 ニナハ年 胡誕世之反也江夏王義恭等奏彭城王

往魏師之瓜步人情怕懼上處不逞之人復奉義康為

亂太子劭及武陵王駿尚書左僕射何尚之屢陪宜早

為之所上乃遣中書舍人嚴龍齊藥賜義康死義康不 肯服口佛教不許自殺願隨宜處分使者以被換殺之 欽定四庫全書 通鑑紀事本末卷十九上



腾録監生 五茹 雲校對官庶書五百何思釣總校官無書五百 張能照